

言情小說

新譯青藜影

商務印書館

青藜影

第一章

作者曰。余名銳卡得姓哈特臘士。生於斯爾斯隊島。余本窯人子。生甫四齡。父母相繼逝。所遺於余者。惟此憂患二字。作傳家之恆產。余以採珠爲業。年十五。足跡幾乎地球。經歷風濤如常人之於寢食。未嘗一日離也。初至佩皮蒂。習採珠之藝。於海舶。繼至澳大利亞。又至燒末細梯。非律賓。皆因人寄食。每歲工資。集絲累黍。儲之得五百佛郎。余自視已爲富人。在他誠不足。製一裘之價值。旣得此金斗。覺客居弗適。乃返斯爾斯隊。購一小舟。採珠自給。余舟雖小。固儼然船主矣。又年餘資益裕。另易較巨之舟。又得傭工一人。苦役任彼爲之。余得指揮爲樂。踰年。珠價驟盛。獲利且倍。乃棄此業。礦自居資本家。山陸賜我更厚。於海未幾。已蓄有一萬五千鎊。此時又厭此荒島。思宅於倫敦。計已定。售其船。并一切家具行矣。先至。

絕未入吾眼底。至此乃知城市之樂。凡公園劇場日必數至。以酬我雙瞳嚮時之岑寂。居此甫三四日。城中衢路咸能別其遠近。一日午後四時。信步自旅舍出。至公園擇一可坐處。徒倚自適。頃之夕陽西匿。車馬漸稀。暮色蒼茫。自林表浮出。忽見一女子踰躅獨行。四顧恍惚。若不識來時途徑者。余方欲示以歸路。顧去余尙十碼。意俟彼行經余前告之。時突有無賴三人出。止其行。余訝之。聽所言。讛語相瞞。益不能耐。余處海隅久。不識人世。有此不平事。名城大埠。乃爲藏垢之所。入此誠隣我矣。急行近三人前叱止之。三人見余脩偉似怯。繼又自恃其衆。轉渺余若不足敵。余久經風日。淘鍊筋骨俱堅。彼輩豈足與抗。甫決鬪已仆其二。三人咸竄去。回視此女子。戰栗無人色。淚盈其頰。益增媚。其美爲余生平所未見。女見余深致謝詞。羞怯與感念並見於眉睫。其態至無可狀。余謂女曰。若輩去矣。君日暮獨行。將至何所。女曰。余與女友相遇。談久失時。遂遇此厄。微君女言。至此面頰不能續。余曰。余送君至園門。此途殊曠寂也。女頻頷其首。似深感余者。余與女並肩

行甫出園外見一美澤馬車駐候路隅女與余握手謂余曰請以君名示我當永誌君德余曰余名銳卡得英人也此時余宜問女子之名惟余初入城市禮多未嫋與女子款洽尤爲生澀口欲言而喉爲之棘酬對一二言時虞乖誤轉以緘嘿爲宜女若窺知余意謂余曰我名菲力士吾父爲此處督署叅議余告之吾父當銘君德也言已登車輪蹄甫動亭亭玉影已隱於車塵中矣

第二章

男女愛情雖至愚人亦有此知識惟窮阨至極此意遂斬如置植物於冰雪窟中雖有萌蘖亦將枯槁余早歲所處終日思遯出於飢寒界外常若有人掣余手足強啖予以苦辛避之無術情慾根蒂絕未留余腦中使余遇菲力士於數年之前雖以彼美麗之色吾直視之如山中礦石海上寒濤不足係吾思念天今睨我以嘉境復於此時得遇彼美余心常躍躍矣旣返旅舍心念菲力士不置自與彼握手後時覺纖纖玉指常膩余手且自幸此日所著係新製衣若在海濱時千綴萬

衲且羞與美人相對。繼思非彼三人出而相扼余焉得市德於彼美凡此皆有天幸。次晨櫛沐畢出閒步冀再得遇此美人。衣屨彌自脩飾。對鏡自照。居然一俊妙少年。設再遇之定視余重於昨日。惟擇通衢中車馬多處。往來睇視。自午前九時至午後一時。未嘗佇趾。倦極將返。忽一雙馬車如飛而至。行近。余視之。車中人非力士也。見余微笑。兩頰生渴。豔麗更過於昨夕。余之眼光安能及。駿馬速率。瞬卽渺矣。蹀躞四小時。僅取償於一瞬。顧余不自謂苦欣欣若有所得。喜此行之不虛返舍後。略進午餐。食具在手。乃向服役人索之。座客大笑。余亦自哂。繼思得一策。伊父爲督署叅議。旅舍主人必知其第宅所在。此時若往謁之。當得晤面。餐已詢得其處。乘馬車往。至則瀕牆高峙。勢極巍赫。憶此中必有美好室居。氍毹溫厚。如履雲霧。頃與美人相見於彼樂。且無極至門。挈鈴一僕。出具道來意。僕曰密斯菲力士。午後出遊。返無定時。余聞之大失望。如珍貴之璧。已入吾手。忽爾墜地。寸寸碎矣。明日即輪舶啟行之日。晨起檢束行李。即附輪行。旣登舟。汽笛再鳴。思此輪。

一動吾去美人遠矣急至船外見岸樹青青咸含情愫愈悽惻不可耐忽聞予身後一女子聲息曠曠低語曰希得內余別爾去矣相見未知何時也余聞言覺此女必生長斯土者故念念於希得內不置顧此音若習聞之時女子背余立余趨過其前視之菲力士也菲力士見余若出意表趨就余語詢知彼亦英人將從伊父返國菲力士以余見伊父伊父名威斯茹五十許人見余卽申謝忱余意女必亟言於伊父余若何出彼於險故伊父有此言彼夕返時當置余於芳心內矣計此船將行六星期可時親芳澤較彼宅中一見時間緩促相去懸絕天靳余彼時之相晤而償之者乃絕大次日又相遇譚益洽越五日船過亞地來又四日過亞路班內菲力士遇余必語希得內風土若甚依戀余曰君英人何念念於彼女曰吾希得內之福兒也吾父以英倫爲鄉土吾則以希得內爲鄉土余曰然余亦以英人生長斯爾斯隊者指與君同言已自覺唐突俯首默不一言此愧沮羞縮之態幸未爲菲力士見也女自登汽船後見者無不繩其美余益自得若私菲力士

爲已。有聞人譽彼。余面目間亦生異彩。方欣喜時。忽爾轉念。若大徹悟。因自咎曰。銳卡得爾誤矣。以彼富貴中人。豈能偶爾。爾自墜入迷陣。徒自苦。余心口自問。彌覺意念之錯。遂立意遠之顧。余日與彼遠。菲力士乃愈與余昵。一日午後六時。余立船外。見海上夕陽。淡抹作胭脂色。已而碧濤怒漲。吞日欲沒。僅露半規。余正貣目遠視。忽聞革履聲出余後。菲力士來矣。余見之。略接數語。方欲行。菲力士止余曰。吾未獲咎於君。何見我卽避去。此數日蹤迹甚疏。舍晨夕晤面一問安否。幾無別詞。何耶。余聞言如飲醍醐。字字瀉入肺腑。愈呐呐不能出諸口。顧謂女曰。吾豈遠君。惟語未畢女笑曰。此下轉語甚難。君思之究。何謂。余此時本不易措詞。經女一問。遂截然而止。面薰熱知發赤矣。女亦不窮詰。卽以他詞亂之。余始議論暢發。汨汨如導泉。自是日與女近。語益相洽。情愛又膠續矣。

第三章

越兩星期。船至亞敦。午後四時。啟輪入紅海。過蘇彝士河。經地中海。此余生平初

次至歐洲也。當泛海採珠時。豈料有此念之喜極。乃歡喜貯余腦中。未及一小時。忽爾逸去。憂慮遂占其全部。蓋菲力士告我次日至內浦。士伊父將偕之登陸。由火車至倫敦。余聞此心怦怦不自適。默計菲力士此時必與余同茲愁鬱。彼不忍去我之心。猶之我也。夫以此絕無證據之事。吾乃深信不疑。閱吾書者。試問余。挾何理由。余亦無詞。自解然。余固執此說。以爲非虛。此事余愛菲力士之心。乃愈真。摯頃之日已西落。余步至船外。暝色四積。天空深黑。衆星黃如點金。忽轉爲青色。知月將出矣。菲力士忽行至余側。余念此時近在余側之人。忽爾相隔。甚至無相見時。盍於斯時。告以情愫。卽怒我其害。亦止於不相見耳。余旣自壯。乃謂之曰。密斯菲力士。明晨別矣。計余以後歲月。未識有相晤之一日否。女聞言。不以爲忤。笑曰。地球雖大。余謂極小。視其人心志。何如耳。余曰。天下事爭則不足。讓或有餘。吾心所憎惡之人。無日不入吾目。卽此可爲反比例。女曰。君可遇我於希得內。况同在倫敦耶。吾以爲晤君之日長也。余聞女言。私自幸。繼思此說。究未得眞際。復言。

曰。他日見我君願之否。女他視不一言。余心大震。陰自咎。出言之。唐突。乃亟謝罪。女笑以手止。余低言曰。吾甚願見君。君言慙直。使人難作答。余喜極覺周身血輪齊灌入。腦際癟幾發矣。強抑之復平。吾氣曰倫敦雖大。以吾子身入之意亦殊寂知吾名者惟君耳。女復他視。不一言。余時臂近女肩。覺其身微顫。吾知女心驚戰。不甯。喻吾意矣。余乃近女鬢。細語曰。君知余心。余實愛君。君許余盡其愛乎。女微笑不言。余固邀其一諾。女微頷其首。余遂徑前與女接吻。私語曰。菲力士愛我矣。愛我矣。時海潮聲起。若應余此語。余方擁女於懷。女笑容忽斂。易爲莊嚴。余回視見伊父威士茹已至。余愧赧。幾不自容。自念伊父若許我者。吾事卽諧。盍徑言之。威士茹置余若未見。以手揮菲力士使行。余隱憾之。未厝一詞。威士茹瞋目視余。高言曰。君奈何誘惑吾女。余曰。男女愛情各有自由。君女若許字我。卽行正式婚禮。何言誘惑。威士茹曰。吾有一言餉君。願君勿復言此。吾斷不以吾女嫁爾。偷荒。余聞彼辱我。心大怒。欲與之訛。威士茹已忿忿去矣。余一人獨立船欄側。冷

月照人頓成悽影。時喜與怒兼襲。余心念菲力士真能愛我。卽我生莫大幸福。而威士茹極力阻撓。實足爲梗。女愛我愈切。足增他日之悲。繼又念彼果堅心。豈伊父所能間。婚姻之事。惟恃吾兩人自主。之時。計已十二鳴。夜深矣。余返至所宿。艙內衆客鼾聲。積爲聲浪。彼夢方濃。乃阻余於睡鄉之外。余正念次日之別。雖無此聲息。亦閉眼終宵矣。探手衾側。忽得一函。視之。菲力士與我者。狂喜躍起。開械讀之。其詞曰。銳卡得君鑒。老父責言。將阻吾事情海。無涯以心爲楫。終有達岸時。危險艱難。皆不足慮。君至倫敦。宜示余以所住居址。此蒂之留所。關靡細紙。末署菲力士名字。草率知倉猝書就者。閱畢。親之以吻。卽藏之枕底。余視此寸紙。不啻萬金券也。

第四章

余至倫敦後。寓居客舍。英京繁盛。爲余目所未覩。市人貧富憂樂。各異情狀。正如夏果。並置一籃。色嘉者味馥者蟲傷者腐過半者。無一不具。居此一星期。舍食息。

外無一事。惟專候菲力士惠我嘉音耳。旅舍主人製一信架來。函均置其上。便人自取。余每日午餐後必至信架前審視。冀得菲力士來書。日久。視爲常課。甫輟食。卽躊躇然來。一日忽見一函上書余名。視之果菲力士手筆。閱未半。喜幾欲狂。蓋菲方士已至倫敦。住味出禪坡露寓中。約余次日午後三時至博物園晤談。閱畢急匿之衣袋。自此信架側余絕跡矣。次日未午。卽至博物園。時遊人尙稀。得恣其遊覽。園中珍禽奇獸形式極多。余念念咸在意中。人見之空若無物。須臾有一馬車至門外。趨視之。果爲菲力士。菲力士見余微笑曰。吾知君來此久矣。余父強余同至戚家。余幾不能至此。慮君渴望。乃託故來。余曰。君父知余至莫耶。女曰。不知。言已。若有所思。繼曰。爲君故。至。欺我父。余殊歉然。然茲事固不克兩全也。余扶之登樓。復申前說。女曰。吾已諾君。何多疑耶。余曰。君父阻之。奈何。女曰。余父素謹余言。每言余姻事。任余主之。然渠意固重貴顯也。余聞言心忐忑不安。意余少年執業。微賤。竟爲彼所聞乎。果以余與勳爵較。余事必裂。乃謂女曰。吾誠無踰人之才。

識自信足爲君偶者惟此心耳。世果有衡斗以較愛情吾勝必矣。女答曰：君心滿貯愛情吾心卽愛情之衡斗。余曰：君父之志可移易乎？女搖其首曰：彼志誠難移易。吾父自希得內啓程後旨趣大變。終日皇皇若有一畏避之人。慮覩其面究亦不知何意。余曰：奇矣！君父縱有疑慮與吾事何涉？女曰：惟彼當日焦慮我無術以轉其意旨。事將終梗余曰：如此將奈何？女曰：君勿多慮。俟余徐圖之時行至一貯禽類室中。內有鶴鳥一雙置一巢中。女指之曰：君與余終必如此。暫時分飛。何爲戚戚？余喜曰：能如是天厚我矣。女曰：何事？言天此權固人操之也。言次又至一室乃厝埃及古尸所也。女謂余曰：我與君呶呶情語不虞。彼人笑耶？余指一女尸曰：此人生時亦必有情愛惜不能舉以語我矣。彼腦筋雖枯當猶貯情人面貌。女曰：君何克知彼女生前必有情愫？余曰：貌美者心必不惡。女子柔情麗質同爲上帝所畀。上帝選擇億萬面具億萬心房乃得萃茲衆美女笑曰：君邇來議論不竭尙憶初見予時一言後面卽頽若朝霞耶？上帝益君以摯情更與君以慧舌矣。言時

女忽出時計觀之曰已六時矣余當歸去余乃急挽其手白衣袋內探得戒指一枚贈之代着於指上鑄同心字女喜甚以手撫之若極珍惜者

第五章

余旣出博物園思至牛津街訪一友人俯首急行忘路遠近須臾至一處路甚狹市小而囂禮拜堂鐘聲已報七時行未停趾已一小時顧不自覺但知飢耳路旁有一酒市兼售麪包牛肉余趨入室內坐具塵封垢積檯衣亦破碎有二人相對奕又一人拊手觀之余視對奕二人一人身長而癯一人衣敝衫襟袖間頰墨狼籍蓋畫師也旁立一人貌極奇瘦削有神目注局中不少瞬見奕者一着勝則喜見於色誤則惱喪若有所失有頃身長者負矣衣敝衫者面有驕色翹首四顧若無人可與抗手旁立之人意頗輕之乃與對枰未幾前勝之人乃大負悻悻去時店役以麪包咖啡茶至余且食且視彼何作其人忽言曰拙者見縕之處卽巧者之能力君知之否余周視室中無第三人在彼所謂君殆指余耶余不遽答仍自

嚼麪包。其人忽又曰。銳卡得先生。君謂余言然否。余聞言駭愕。怪彼何克知余姓字。遽答曰。然。其人又曰。山高水深。均無止量。一得自詡。殊不足取。余唯唯。陰相其人。實未晤面。徑詰之曰。君何以識余。我固未常見君也。其人曰。是安足奇。我能知君。此時衣袋所貯之物。君袋貯名刺三紙。一名渡銳士。威悌。一名威士茹。均希得內人。其一則君名也。三刺中。一刺已折其角。君取視之。當不謬。余益奇之意。此人必工異術。余方駭異。其人又曰。余尙有一伎。足以愉君。時案上有一孟。滿貯清水。其人傾之。不留餘液。取一紙疊作方式。置孟中。自衣袋取出一小瓶。內有赤色水。少許。灑之方式紙上。顧余曰。君試觀之。當有所見。余注目視之。無所覩。久之。見紙上浮有雲氣。結爲圓球。球中現有屋宇。余時已忘身在何所。益凝視。不少瞬。忽所見室宇內露一女子。伏坐具上。以手支頤。淚落如斷珠。玩其面貌。確爲菲力士嗣。聞菲力士喚余名。且喚且泣。余悽絕。徑前抱之。忽鏗然有聲。案仰翻。孟墜地。破矣。菲力士哭聲猶喫喫。如在耳際。余益不解。急視其人。已不知何往。給與飯資。乃返。

旅舍終疑菲力士之泣。斷非幻像。顧余何人。能當彼美之思憶。且獲彼淚珠。幸彼亦在倫敦。明日當往詢之。此事有無。一言決矣。余歸就寢。次日晨起。即往途中。自念余平日最主實踐。何忽迷信至深。此時此心。自問亦不解。何意繼念余見理。至真。安能以彼人幻術。遂爲顛倒。欲不往而腦筋已紊。傀儡牽絲。不克自主矣。行至菲力士寓中。雜役方立門外急詢菲力士所在。役曰。君所言非威士茹之女公子耶。余曰。然。役人曰。行矣。今晨已至意大利。余聞言僵立。又入夢境。嗣念晨間因貪此睡鄉。遂未及與彼美一面。衾枕誠陷余哉。

第六章

是日午後。余忽得菲力士一函。自兜窯發者。詞曰。銳卡君電。君得余信時。余已去英倫矣。余父昨夕歸來。忽失常態。面赤氣促。若受絕大驚恐。歸後即速余束裝。將趁晚車至巴梨。由輪船返希得內。余作此書時。吾父頻來促余。恐不克與君一面。特郵寄此書。君得函如見我也。末註菲力士字。另一行云。至吾父若何驚恐。姑

存缺疑。願勿爲外人道。余閱畢。卽置近身衣袋。內藉吾身溫度。親之直以此函爲菲力士矣。越日。余將至紐佛雷市低。此處爲余故宅。去倫敦五英里。余乘馬車往。馬夫耄矣。亦住紐佛雷布低。余於故里爲初至。藉此老得知此間風土。余謂之曰。君知哈特臘士氏耶。馬夫曰。此姓初爲巨族。今式微矣。彼姓中有遮默士者。年三十。卽遠行。迄未返里。今惟伊兄威烈亞默存耳。余聞之。竊自喜。蓋馬夫所謂遮默士者。卽余父也。余初以余故宅已鞠爲茂草。今知尙存。且有伯父在。余生平固未受骨肉愛。今見伯父當契。予行至一石梁。過一小市。市側一巨室。將圯矣。雙扉常閉。藉以支屋。使一啟戶者。瓦礫隨之下矣。馬夫曰。此卽哈特臘士宅也。余曰。卽此室耶。馬夫曰。門左一小戶。君可自此入。戶極狹。側身乃可進。門內荒僻。半成菜圃。葵實戀日。燦若黃金色。園中尙留砌石三五。望之如斷碑。臥於邱壠。令人起古昔思想。時一老僕自內出。余以刺畀之。須臾僕出。喚余入內室。室隘小。位置尙井井。一白首老叟近窗立。卽余伯父威烈亞默也。余以伯呼之。叟不余答。徐言曰。吾弟。

爲。遮。默。士。去。英。二十。餘。年。爾。爲。伊。子。與。否。非。余。所。知。余。曰。伯。父。疑。我。耶。我。有。埃及。
 書。於。此。內。有。吾。父。手。筆。伯。視。之。卽。知。誠。僞。伯。父。曰。字。似。余。弟。手。筆。然。安。知。語未畢
 曰。伯。疑。我。來。求。助。耶。余。在。斯。爾。斯。隊。採。珠。開。礦。頗。堪。自。給。此。來。爲。訪。察。舊。居。耳。伯
 聞。余。言。色。大。霽。笑。曰。爾。乃。多。金。爾。父。浪。擲。金。鎊。不。可。數。計。爾。能。若。是。實。爲。哈。特。臘。
 士。氏。之。幸。余。默。不。一。言。伯。父。近。與。余。語。絮。絮。不。休。吾。謂。此。笑。語。乃。余。自。礦。石。中。掘。
 出。者。設。余。未。擁。此。多。資。我。伯。父。笑。語。之。價。值。殊。非。奢。人。所。能。購。伯。父。笑。謂。余。曰。汝。
 得。金。幾。何。余。曰。可。二。萬。鎊。耳。伯。父。益。喜。見。於。色。繼。又。作。懷。疑。狀。謂。余。曰。吾。年。六。
 十。四。矣。歷。世。四。十。年。乃。知。黃。金。之。價。爲。無。上。品。今。惟。以。儉。約。爲。要。義。予。生。平。所。歷。險。
 嶪。較。爾。自。息。得。內。來。經。行。之。路。爲。夥。余。殊。厭。聞。彼。言。思。行。矣。伯。父。強。留。之。邀。至。一。
 廳。事。軒。牖。黝。黑。日。影。亦。若。怯。彼。寒。儉。不。容。光。於。此。伯。父。以。酒。睨。余。味。惡。劣。頗。不。適。
 口。甫。盡。一。觴。幾。欲。嘔。顧。伯。父。亦。斬。不。畀。余。僕。人。以。麵。包。進。余。食。少。許。伯。父。目。眈。眈。
 視。若。惟。恐。盡。其。器。者。余。隱。哂。之。伯。父。忽。語。余。曰。此。室。卽。爾。父。所。生。處。爾。父。生。時。予。